



12240

王摩詰目錄卷三

五言律詩

奉和聖製賜史供奉曲江應制

早朝

同崔員外秋宵寓直

聽宮鶯

和尹諫議史館山池

從岐王過楊氏別業應教

王摩詰卷

從岐王夜讌衛家山池應教

奉和楊駙馬六郎秋夜即事

春日上方即事


山居秋暝

山居即事

秋夜獨坐

冬晚對雪憶胡居士家

歸嵩山作



歸輞川作

輞川閒居

輞川閒居贈裴秀才迪

淇上即事田園

終南別業

晚春嚴少尹諸公見過

鄭果州見過

與盧象集朱家

十律詩卷二

喜祖三至留宿

黎拾遺昕裴迪見過秋夜對雨之作

待儲光羲不至

送元中丞轉運汎淮

送李判官赴江東

送邢桂洲

送梓州李使君

送楊長史赴果州

送岐州源長史歸

送錢少府還藍田

送方城韋明府

送丘爲往唐州

送丘爲落第歸江東

送嚴秀才還蜀

送孫秀才

送崔九與宗遊蜀

王摩詰卷三

送崔興宗

送張五湮歸宣城

送崔三往密州觀省

送孫二

送友人南歸

送趙都督代州

送劉司直赴安西

送張判官赴河西

送平澹然判官

送李員外賢郎

送張道士歸山

同崔興宗送瑗公

留別錢起

留別丘爲

過福禪師蘭若

夏日過青龍寺謁操禪師

王摩詰卷三

過香積寺

登辨覺寺

過感化寺曇興上人仙院

遊李山人所居因題屋壁

漢江臨眺

汎前陂

終南山

登河北城樓作

裴迪秀才小亭作

涼州郊外游望

觀獵

酬嚴少尹徐舍人見過不過

酬張少府

酬虞部蘇員外過藍田別業不見留之作

酬比部楊員外暮宿琴堂朝躋書閣率爾見

贈之作

酬賀四贈葛中之作

寄荊州張丞相

被出濟州

使至塞上

晚春閨思

過秦王墓

雜詩

酬慕容上

韋給事山居

春園即事

過崔駙馬山池

送封太守

送賀遂員外外甥

送宇文三赴河西充行軍司馬

千塔主人

愚公谷三首

王摩詰卷三

慕容承携素撰見過

戲題示蕭氏外甥

故太子太師徐公挽歌四首

故西河郡杜太守挽歌三首

故南陽夫人挽歌

達奚侍郎夫人寇氏挽歌二首

恭懿太子挽歌五首

資聖寺送甘二

王摩詰詩集卷之三

唐 藍田王 維 撰

宋 廬陵劉辰翁 評

五言律詩

奉和聖製賜史供奉曲江應制

侍從有鄒枚。瓊筵就水開。言陪柏梁宴。新下建章一作日
來對酒山河滿。移舟草樹迴。天文同麗日。駐景惜
行杯。

王摩詰卷三

早朝

柳暗百花明。春深五鳳城。作路城烏睥睨曉。宮井輓轡
聲。方朔金門侍。班姬玉輦迎。仍聞遣方士。東海訪
蓬瀛。

同崔員外秋宵寓直

建禮高秋夜。承明候曉過。一作開九門寒漏徹。萬井曙鐘
多。月迥藏珠斗。雲消出絳河。更慚衰朽質。南陌共
鳴珂。

頌云乏趣

頌云藏出字
有趣

聽宮鶯

一作宮鶯次第翔

春樹繞宮牆。春鶯囀曙光。忽驚啼暫斷。移處弄還長。
長。隱葉棲承露。攀花出未央。遊人應未返。爲此思故鄉。

和尹諫議史館山池

作堂

雲館接天居。霓裳侍玉除。春池百子外。芳樹萬年餘。
餘。洞有仙人籙。山藏太史書。君恩深漢帝。且莫上空虛。

王摩詰卷三

從岐王過楊氏別業應教

作流

一作媛

楊子譚經所。淮王載酒過。興闌啼鳥換。坐久落花多。
多。徑轉迴銀燭。林開散玉珂。嚴城時未啓。前路擁笙歌。

從岐王讌衛家山池應教

座客香貂滿。宮娃綺幔張。澗花輕粉色。山月少燈光。
光。積翠紗窓暗。飛泉繡戶涼。還將歌舞出。歸路莫愁長。

碩云句內生意更細便淺促

奉和楊駙馬六郎秋夜即事

高樓月似霜。秋夜鬱金堂。對坐彈盧女。同看舞鳳凰。少兒多送酒。小玉更焚香。結束平陽騎。明朝入建章。

春日上方即事

好讀高僧傳。時看辟穀方。鳩形將刻杖。龜殼用支床。柳色春山暎。梨花夕鳥藏。北窻桃李下。閒坐但焚香。

王摩詰卷三

三

山居秋暝

空山新雨後。天氣晚來秋。明月松間照。清泉石上流。竹喧歸浣女。蓬動下漁舟。隨意春芳歇。王孫自可留。

山居即事

寂寞掩柴扉。蒼茫對落暉。鶴巢松徑遍。人訪蕪門稀。嫩竹含新粉。紅蓮落故衣。渡頭燈火起。處處採菱歸。

新異

從無可點自
是妙

自是維持
頤云決非俗
物可及

傾云極平易
府點化

秋夜獨坐

獨坐悲雙髮，空堂欲二更。雨中山果落，燈下草蟲鳴。白髮終難變，黃金不可成。欲知除老病，惟有學無生。

冬晚對雪憶胡居士家

寒更傳曉箭，清鏡覽衰顏。隔牖風驚竹，開門雪滿山。

灑空深巷靜，積素廣庭閒。借問袁安舍，條然尚

閉關。

王摩詰卷三

歸嵩山作

清川帶長薄，車馬去閒閒。流水如有意，暮禽相與

還。荒城臨古渡，落日滿秋山。迢遞嵩高下，歸來且

閉關。

歸輞川作

谷口疎鍾動，漁樵稍欲稀。悠然遠山暮，獨向白雲

歸。菱蔓弱難定，楊花輕易飛。東皋春草色，惆悵掩

柴扉。

頌云選語
已近自然

輞川閒居

一從歸白社。不復到青門。時倚簷前樹。遠看原上村。青菰臨水映。白鳥向山翻。寂寞於陵子。桔槔方灌園。

輞川閒居贈裴秀才迪

寒山轉蒼翠。秋水潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

王摩詰卷三

淇上即事田園

屏居淇水上。東野曠無山。日隱桑柘外。河明閭井間。牧童望村去。獵犬隨人還。靜者亦何事。荆扉乘晝關。

終南別業

頌云自是唐人古詩不可謂律

中歲頗好道。晚家南山隅。興來每獨往。勝事空自知。行到水窮處。坐看雲起時。偶然值林叟。談笑無

一作

類以無情之景述無情之意。復非作者所有。

無言之境不可說之味。不知者以為談易。其質如此。故旨雅反。

還期。

頌云開以信
意無不精到

晚春嚴少尹諸公見過

松菊荒三徑。圖書共五車。烹葵邀上客。看竹到貧家。
鵲乳先春早。鶯啼過落花。自憐黃髮暮。一倍惜年華。

鄭果州見過

麗日照殘春。初晴草木新。一作前牀頭磨鏡客。花下灌園人。
五馬驚窮巷。雙童逐老身。一作窮中中厨辦粗飯。當恕阮家貧。

王摩詰卷三

與盧象集朱家

主人能對客。終日有逢迎。費得新豐酒。復聞秦女箏。
柳條疎客舍。槐葉下秋城。笑語且為樂。吾將適此生。

喜祖三至留宿

門前洛陽客。下馬拂征衣。不枉故人駕。平生多掩扉。
行人返深巷。積雪帶餘暉。蚤歲同袍者。高車何處歸。

黎拾遺昕裴迪見過秋夜對雨之作

促織鳴已急。輕衣行向重。一作高。寒燈坐高館。秋雨聞疎鐘。白法調狂象。玄言問老龍。何人顧蓬徑。深愧一作半求

羊蹤。

待儲光羲不至

重門朝已啓。起坐聽車聲。要欲聞清佩。方將出戶迎。曉鍾鳴上苑。疎雨過春城。了自不相顧。臨堂空復情。

王摩詰卷三

送元中丞轉運汎淮

一作錢起詩

薄稅歸天府。輕徭賴使臣。歡霑賜帛老。恩及卷綃

人。去閩一作珠珠官俗。來看石劫城。東南御亭上。一作詞莫使有

風塵。

送李判官赴江東

聞道皇華使。方隨皂蓋臣。封章通左語。寇冕化文身。樹色分楊子。潮聲滿富春。遙知辨璧吏。恩到泣珠人。

送邢桂州

鏡吹喧京口。風波下洞庭。赭圻將赤岸。擊汰復揚
舲。日落江湖白。潮來天地青。明珠歸合浦。應逐使
臣星。

送梓州李使君

萬壑樹參天。千山響杜鵑。山中一夜雨。樹杪百重
泉。漢女輸種布。巴人訟芋田。文翁翻教授。不敢倚
先賢。

唐詩話卷三

送楊長史赴果州

褒斜不容幘。之子去何之。鳥道一千里。猿啼十二
時。官橋祭酒客。山木女郎祠。別後同明月。君應聽
子規。

送岐州源長史歸

源與余同在崔常侍幕中
時常侍已沒

握手一相送。心悲安可論。秋風正蕭索。客散孟嘗

門。故驛過槐里。長亭下檜原。征南舊旌節。從此向

河源。

頌云響字奇

頌云老辣

送錢少府還藍田

草色日向好。桃源人去稀。手持平子賦。目送老萊衣。每候山櫻發。時同海燕歸。今年寒食酒。應得返柴扉。

送方城韋明府

遙思葭菼際。寥落楚人行。高鳥長淮水。平蕪故郢城。使車聽雉乳。縣鼓應雞鳴。若見州從事。無嫌手板迎。

王摩詰卷三

九

送丘爲往唐州

宛洛有風塵。君行多苦辛。四愁連漢水。百口寄隨人。槐色陰清晝。楊花惹暮春。朝端肯相送。天子繡衣臣。

送丘爲落第歸江東

憐君不得意。况復柳條春。爲客黃金盡。還家白髮

頌三緩語妙

新。五湖三畝宅。萬里一歸人。知爾不能薦。羞稱獻

納臣。

稱一作爲一作着

送嚴秀才還蜀

一作真

寧親爲令子。似舅即賢甥。別路經花縣。還家入錦城。
山臨青塞斷。江向白雲平。獻賦何時至。明君憶長卿。

送孫秀才

一作本

一作鏡

帝城風日好。况復建平家。玉枕雙文簟。金盤五色瓜。
山中無畧酒。松下飯胡麻。莫厭田家苦。歸期遠復賒。

王摩詰卷三

送崔九興宗游蜀

送君從此去。轉覺故人稀。徒御猶迴首。田園方掩扉。
出門當旅食。中路授寒衣。江漢風流地。游人何處歸。

一作歲

送崔興宗

已恨親皆遠。誰憐友復稀。君王未西顧。游宦盡東歸。
塞迴江河淨。天長雲樹微。方同菊花節。相待洛陽扉。

送張五湮歸宣城

五湖千萬里。况復五湖西。漁浦南陵郭。人家春穀
溪。欲歸江淼淼。未到草凄凄。憶昔蘭陵鎮。可宜
更啼。

呂蒙是自詩

送崔三往密州觀省

南陌去悠悠。東郊不少留。同懷扇枕戀。獨念倚門
愁。路遶天山雪。家臨海樹秋。魯連功未報。且莫蹈
滄洲。

王摩詰卷三

十一

送孫二

一作部

一作將

郊外誰相送。夫君道術親。書生鄒魯客。才子洛陽
人。祖席依寒草。行車起暮塵。山川何寂寞。長望淚
霑巾。

送友人南歸

一作飛

萬里春應盡。三江鴈亦稀。連天漢水廣。孤客郢城
歸。郎國稻苗秀。楚人菰米肥。懸知倚門望。遙識老
萊衣。

宋一作葉一作萊

盡謝點深情
思蕭然

送趙都督赴代州

潤青字

天官動將星。漢上柳條青。萬里鳴刁斗。三軍出井

陘。忘身辭鳳闕。報國取龍庭。豈學書生輩。窻間老

一經。

送劉司直赴安西

絕域陽關道。胡沙與塞塵。三春時有鴈。萬里少行

人。首着隨天馬。葡萄逐使臣。當令外國懼。不敢覓

和親。

王摩詰卷三

送張判官赴河西

單車曾出塞。報國敢邀勳。見逐張征虜。今思霍冠

軍。沙平連白雪。蓬捲入黃雲。慷慨倚長劍。高歌一

送君。

送平澹然判官

不識陽關路。新從定遠侯。黃雲斷春色。回角起邊

愁。瀚海經年到。交河出塞流。須令外國使。知飲月

支頭。

無意之意

送李員外賢郎

少年何處去。負米上銅梁。借問阿戎父。知爲童子郎。魚箋請詩賦。種布作衣裳。薏苡扶衰病。歸來幸可將。

送張道士歸山

先生何處去。王屋訪毛君。別嬾留丹訣。驅雞入白雲。人間苦難住。天上復離羣。當作遼東鶴。仙歌使爾聞。
一作茅

新意
兩語皆到

王摩詰卷三

同崔興宗送瑗公

言從石菌閣。新下穆陵關。獨向池陽去。白雲留故山。綻衣秋日裏。洗鉢古松間。一施傳心法。惟將戒定還。

留別錢起

一作晚歸藍田酬中書堂舍人
一作錢起詩題云晚歸藍田酬王維給事

首四句一作別山如昨日兼露已沾衣采薇頓盈手看花空歌歸
卑棲却得性。每與白雲歸。狗祿猶懷橘。看花免採薇。暮禽先去馬。新月待開扉。霄漢時廻首。知音青瑣闥。

留別丘爲

歸鞍白雲外。繚繞出前山。今日又明日。自知心不閒。親勞簪組送。欲趁鶯花還。一步一迴首。遲遲向近關。

過福禪師蘭若

巖壑轉微徑。雲林隱法堂。羽人飛奏樂。天女蹠焚香。竹外峯偏曙。藤陰水更涼。欲知禪坐久。行路長春芳。

王摩詰卷三

十四

夏日過青龍寺謁操禪師

龍鍾一老翁。徐步謁禪宮。欲問義心義。遙知空病空。山河天眼裏。世界法身中。莫怪銷炎熱。能生大地風。

過香積寺

一作王昌齡詩

不知香積寺。數里入雲峯。古木無人徑。深山何處鐘。泉聲咽危石。日色冷青松。薄暮空潭曲。安禪制毒龍。

登辨覺寺

竹徑從初地一作明月。蓮峯出化城。窻中三楚盡。林外九江平。
輦草承趺坐。長松響梵聲。空居法雲外。觀世得無生。

過感化寺曇興上人仙院

暮持筇竹杖。相待虎溪頭。催客聞山響。歸房逐水流。
流。堊花藂發好。谷鳥一聲幽。夜坐空林寂。松風直似秋。

王摩詰卷三

五

游李山人所居因題屋壁

世上皆如夢一作傳。狂來或自歌。問年松樹老。有地竹林多。
藥倩韓康賣。門容尚子過。翻嫌枕席上。無那白雲何。

漢江臨眺

楚塞三湘接。荆門九派通。江流天地外。山色有無中。
郡邑浮前浦。波瀾動遠空。襄陽好風日。留醉與山翁。

汎前陂

秋空自明迥。况復遠人間。暢以沙際鶴。兼之雲外

山。澄波澹將夕。清月浩方閒。此夜任孤棹。夷猶殊

未還。

終南山

太乙近天都。連山到海隅。白雲迴望合。青靄入看

無。分野中峯變。陰晴衆壑殊。欲投人處宿。隔水問

樵夫。

王摩詰卷三

十六

登河北城樓作

井邑傅巖上。客亭雲霧間。高城眺落日。極浦暎蒼

山。岸火孤舟宿。漁家夕鳥還。寂寥天地外。心與廣

川閒。

裴迪秀才小亭作

端居不出戶。滿目望雲山。落日鳥邊下。秋原人外

閒。遙知遠林際。不見此簷間。好客多乘月。應門莫

上關。

畧不用思

碩云此等虛
木源成但雜
擬作恐近淺
率

涼州郊外游望

野老才三戶。村邊少四鄰。婆娑依里社。簫鼓賽田
神。灑酒澆芻狗。焚香拜木人。女巫紛屢舞。羅襪自
生塵。

觀獵

○作○動○

風勁角弓鳴。將軍獵渭城。草枯鷹眼疾。雪盡馬蹄
輕。忽過新豐市。還歸細柳營。回看射鵰處。千里暮

極是畫意

氣柔

雲平。

王摩詰卷三

十七

酬嚴少尹徐舍人見過不遇

公門暇日少。窮巷故人稀。偶值乘籃輦。非關避白
衣。不知炊黍否。誰解掃荆扉。君但傾茶碗。無妨騎
馬歸。

酬張少府

晚年惟好靜。萬事不關心。自顧無長策。空知返舊
林。松風吹解帶。山月照彈琴。君問窮通理。漁歌入
浦深。

酬虞部蘇員外過藍田別業不見留之作

貧居依谷口。喬木帶荒村。石路枉迴駕。山家誰候門。漁舟膠凍浦。獵火燒寒原。惟有白雲外。疎鐘聞

夜猿。

酬比部楊員外暮宿琴堂朝躋書閣率爾見

贈之作

舊簡拂塵看。鳴琴候月彈。桃源迷漢姓。松徑有秦

一作狹

一作花

一作樹

官。空谷歸人少。青山背日寒。羨君歸隱處。遙望白

王摩詰卷三

十八

雲端。

酬賀四贈葛中之作

野中傳惠好。茲貺重兼金。嘉此幽棲物。能高隱吏

一作齊

心。早朝方暫掛。晚沐更來簪。坐覺塵囂遠。思君共

一作復

入林。

寄荊州張丞相

所思竟何在。悵望深荆門。舉世無相識。終身思舊恩。方將與農圃。藝植老丘園。目盡南無鴈。何由寄

一言。

被出濟州

微官易得罪。謫去濟川陰。執政方持法。明君無此心。閭閻河潤上。井邑海雲深。縱有歸來日。各愁年髮侵。

使至塞上

一作衝命。薛天關。車欲向天。
單車欲問邊。屬國過居延。征蓬出漢塞。歸鴈入胡天。大漠孤烟直。長河落日圓。蕭關逢候騎。都護在

王摩詰卷三

燕然。

晚春閨思

一作羅
新妝可憐色。落日卷羅幃。鑪氣清珍簾。墻陰上玉墀。春蟲飛網戶。暮雀隱花枝。向晚多愁思。閒窻桃

不俯仰刻畫甚有意味

李時。

過秦王墓

詩年十九

古墓成蒼嶺。幽宮象紫臺。星辰七曜隔。河漢九泉開。有海人寧渡。無春鴈不迴。更聞松韻切。疑是大

夫哀。

雜詩

雙燕初命子。五桃初結花。一作作王昌是東舍。宋玉次西家。小小能織綺。時時出浣沙。親勞使君問。南陌駐香車。

酬慕容上

行行西陌返。駐憶問車公。挾轂雙官騎。應門五尺僮。老年如塞北。強起離牆東。爲報壺丘子。來人道

王摩詰卷三

三

姓蒙。

韋給事山居

尋幽得此地。詎有一人曾。大壑隨階轉。羣山入戶登。庖厨出深竹。印綬隔垂藤。即事辭軒冕。誰云病未能。

春園即事

宿雨乘輕屐。春寒着弊袍。開畦分白水。間柳發紅桃。草際成棋局。林端舉桔槔。還持鹿皮几。日暮隱

蓬蒿。

過崔駙馬山池

畫樓吹笛妓。金埒酒家胡。錦石稱貞女。青松學大

一作梳

夫。脫貂貴桂。酌射鴈與山厨。聞道高陽會。愚公谷

一作酌

正愚。

送封太守

忽解羊頭削。聊馳熊首幡。揚舲發夏口。按節向吳門。帆暎丹陽郭。楓攢赤岸村。百城多候吏。露冕一

王摩詰卷三

三

何尊。

送賀遂負外外甥

南國有歸舟。荆門泝上流。蒼茫葭菼外。雲水與昭

一作同

丘。檣帶城烏去。江連暮雨愁。猿聲不可聽。莫待楚

山秋。

送宇文三赴河西充行軍司馬

橫吹雜繁笳。邊風掩塞沙。還聞田司馬。更逐李輕

一作笛

一作壘

一作居

車。蒲類成秦地。莎車屬漢家。當今大戎國。朝聘學

昆耶

千塔主人

逆旅逢佳節。征帆未可前。窻臨汴河水。門渡楚人船。
雞犬散墟落。桑榆蔭遠田。所居人不見。枕席生雲煙。

愚公谷

青龍寺與黎昕戲題三首

愚谷與誰去。唯將黎子同。非須一處住。不那兩心空。
寧問春將夏。誰論西復東。不知吾與子。若箇是

王摩詰卷三

五

愚公

其二

吾家愚谷裏。此谷本來平。雖則行無跡。還能響應聲。
不隨雲色暗。只待日光明。緣底名愚谷。都由愚所成。

其三

借問愚公谷。與君聊一尋。不尋翻到谷。此谷不離心。
行處曾無險。看時豈有深。寄言塵世客。何處欲

歸臨。

慕容承携素饌見過

紗帽烏皮几。閒居懶賦詩。門看五柳識。年筭六身知。靈壽君王賜。雕胡弟子炊。空勞酒食饌。特底解人頤。

戲題示蕭氏外甥

憐爾解臨池。渠翁未學詩。老夫何足似。弊宅倘因之。蘆筍藏荷葉。菱花骨鴈兒。却公不易勝。莫著外

王摩詰卷三

二十三

家欺。

故太子太師徐公挽歌四首

功德冠羣英。彌綸有大名。軒皇用風后。傳說是星精。就第優遺老。來朝詔不名。留侯常辟穀。何苦不

長生。

謀猷爲相國。翊贊奉乘輿。劔履升前殿。貂蟬託後

一作衣

車。齊侯疏土宇。漢室賴圖書。僻處留田宅。仍纔十

頃餘。

一作畝

舊里趨庭日。新年置酒辰。聞詩驚渚客。獻賦鳳樓人。
北闕辭明主。東堂哭大臣。猶思御朱輅。不惜汗車茵。

久踐中台座。終登上將壇。誰言斷車騎。空憶盛衣冠。
風日咸陽慘。笳簫渭水寒。無人當便闕。應罷太師官。

故西河郡杜太守挽歌三首

天上去西征。雲中護北平。生擒白馬將。連破黑雕

王摩詰卷三

二五

城。忽見芻靈苦。徒聞竹使榮。空留左氏傳。誰繼卜

商名。

返。葬金符守。同歸石窀穸。卷衣悲畫翟。持翼待鳴
雞。容衛都人慘。山川駟馬嘶。猶聞隴上客。相對哭
征西。

塗芻去國門。秘器出東園。太守留金印。夫人罷錦
軒。旌旄轉衰木。簫鼓上寒原。墳樹應西靡。長思魏
闕恩。

故南陽夫人挽歌

錦衣餘翟芾。繡轂罷魚軒。淑女詩常在。夫人法尚存。凝笳隨曉旆。行哭向秋原。歸去將何見。誰能返戟門。

達奚侍郎夫人寇氏挽歌二首

束帶將朝日。鳴環暎牖辰。能令諫明主。相勸識賢一作曾王

人。遺挂空留壁。迴文日覆塵。金蠶將畫柳。何處更知春。一作助

王摩詰卷三

女史悲彤管。夫人罷錦軒。上一作淚瑩占二室。行哭度千門。秋日光能淡。寒川波自翻。一朝成萬古。松柏暗平原。

恭懿太子挽歌五首

何悟藏環早。纔知拜壁年。狎天王子去。對日聖君憐。樹轉宮猶出。笳悲馬不前。雖蒙絕馳道。京兆別開阡。

蘭殿新恩切。椒宮夕臨幽。白雲隨鳳管。明月在龍

樓人向青山哭。天臨渭水愁。雞鳴常問膳。今恨玉京留。

騎吹凌霜發。旌旗夾路陳。愷容金節護。冊命玉符新。傳母悲香襪。君家擁畫輪。射熊今夢帝。秤象問何人。

蒼舒留帝寵。子晉有仙才。五歲過人智。三天使鶴催。心悲陽祿館。目斷望思臺。若道長安近。何爲更不來。

王摩詰詩卷三

三六

西望昆池閣。東瞻下杜平。山朝豫童館。樹轉鳳凰城。五校連旗色。千門疊鼓聲。金環如有驗。還向畫堂生。

資聖寺送甘二

此例體舊本却以入律故附之末

浮生信如寄。薄宦夫何有。來往本無歸。別離方此受。柳色藹春餘。槐陰清夏首。不覺御溝上。銜悲執杯酒。

王摩詰詩集卷之三

終

王摩詰目錄卷之四

七言律詩

奉和聖製從蓬萊向興慶閣道中留春雨中
春望之作

大同殿生玉芝龍池上有慶雲百官共覩聖
恩便賜宴樂敢書即事

勅借岐王九成宮避暑應教

和賈舍人早朝大明宮之作

王摩詰卷四

和太常韋主簿五郎溫泉寓目

聽百舌鳥

勅賜百官櫻桃

酬郭給事

苑舍人能書梵字兼達梵音皆曲盡其妙戲

爲之贈

重酬苑郎中

送楊少府貶郴州

送方尊師歸嵩山

既蒙宥罪旋復拜官伏感聖恩竊書鄙意兼
奉簡新除使君等諸公

酌酒與裴迪

早秋山中作

積雨輞川莊作

輞川別業

春日與裴迪過新昌里訪呂逸人不遇

王摩詰卷四

過乘如禪師蕭居士嵩山蘭若

出塞

王摩詰目錄卷之四

終

王摩詰詩集卷之四

唐 藍田王 維 撰

宋 廬陵劉辰翁 評

七言律詩

奉和聖製從蓬萊向興慶閣道中留春雨中

春望之作

渭水自縈秦塞曲，黃山舊遶漢宮斜。鑿輿迥出仙

門柳，閣道迴看上苑花。雲裏帝城雙鳳闕，雨中春

王摩詰卷四

樹萬人家。為乘陽氣行時令，不是宸游翫物華。

大同殿生玉芝，龍池上有慶雲百官共覩聖

恩便賜宴樂敢書即事

欲笑周文歌宴鎬，還輕漢武樂橫汾。豈知玉殿生

三秀，詎有銅池出五雲。陌上堯樽傾北斗，樓前舜

樂動南薰。共歡天意同人意，萬歲千秋奉聖君。

勅借岐王九成宮避暑應教

帝子遠辭丹鳳闕，天書遙借翠微宮。隔窻雲霧生

頽云峽菡狀

出題景春容

典重用字

厚不見工力

結掃之正足

見襟度

頽云句法天成
更不可易起語

叙事深密由畫
下聯便見九成
物結乃費詩便
成收束

前四句惟于語頗
入癡重

頌云右丞發篇直
與老杜詞頗滋惟
峇峇及之他皆不
及蓋氣韻瀾大音
律精淨句法典重
用字清新無所不
備故也或猶未全
美以用衣服字太
多耳

頌云此篇鋪寫景
象雄渾富麗造作

句律濃厚深密皆
足為法

衣上卷幔山泉入鏡中。林下水聲喧笑語。巖間樹
色隱房櫳。仙家未必能勝此。何事吹簫向碧空。

和賈舍人早朝大明宮之作

絳幘雞人送曉籌。尚衣方進翠雲裘。九天閭闔開
宮殿。萬國衣冠拜冕旒。日色纔臨仙掌動。香煙欲
傍滾龍浮。朝罷須裁五色詔。珮聲歸到鳳池頭。

和太常韋主簿五郎溫泉寓目

漢主離宮接露臺。秦川一半夕陽開。青山盡是朱

王摩詰卷四

二

旗繞碧澗翻。從玉殿來新豐樹。裏行人度小苑城
邊獵騎迴。聞道甘泉能獻賦。懸知獨有子雲才。

聽百舌鳥

上闌門外草淒淒。未央宮中花裏栖。亦自相隨過
御苑。不知若箇向金堤。入春解作千般語。拂曙能
先百鳥啼。萬戶千門應覺曉。建章何必聽鳴雞。

勅賜百官櫻桃

芙蓉闕下會千官。紫禁朱櫻出上闌。總是寢園春

頌云看翠結中
下字乃見底唐
溫厚右丞善作
富麗語自其胸
懷本色開口便
是結語深厚作
者少及

薦後非關御苑鳥脚殘。歸鞍競帶青絲籠。中使頻
傾赤玉盤。飽食不須愁內熱。大官還有蔗漿寒。

酬郭給事

洞門高閣靄餘暉。桃李陰陰柳絮飛。禁裏疎鐘客
舍晚。省中啼鳥吏人稀。晨搖玉珮趨金殿。夕奉丹
書拜瑣闈。強欲從君無奈老。將因臥病解朝衣。
苑舍人能書梵字。兼達梵音。皆曲盡其妙戲。

爲之贈

王摩詰卷四

名儒侍詔滿公車。才子爲郎典石渠。蓮華法藏
懸悟貝葉經。文手自書楚辭。共許勝楊馬。梵字何
人辨。魯魚故舊相望在。三字願君莫厭承。明廬。

重酬苑郎中

并序

傾輒奉贈。忽枉見酬。敘末云。且久不遷。因
而嘲及云。落句云。應同羅漢無名欲。故作
馮唐老歲年。亦解嘲之意也。

何幸含香奉至尊。多慚未報主人恩。草木盡能酬。

預云此篇述遠
誦之時覺通詣
益遠所過景物
皆成愁字已看
賦矣臨結又用一
故寬審激公案
用意忠厚其味
淡長他作所無
又云不沾卷君
上語覺忠厚

雨露榮枯安敢問乾坤。仙郎有意憐同舍丞相無私斷掃門。楊子解嘲徒自遣。馮唐已老復何論。

送楊少府貶柳州

明到衡山與洞庭。若爲秋月聽猿聲。愁看北渚三湘近。惡說南風五兩輕。青草瘴時過夏口。白頭浪裏出湓城。長沙不久留才子。賈誼何須弔屈平。

送方尊師歸嵩山

仙官欲往九龍潭。毛節朱旛倚石龕。山壓天

王摩詰卷四

天上洞穿江底出。江南瀑布松杉常帶雨。夕

翠忽成嵐。借問迎來雙白鶴。已曾衡岳送蘇耽。

既蒙宥罪旋復拜官。伏感聖恩竊書鄙意。奉簡新除使君等諸公。

忽蒙漢詔還冠冕。始覺殷王解網羅。日比皇明猶自暗。天齊聖壽未云多。花迎喜氣皆知笑。鳥識歡心亦解歌。聞道北城新佩印。還來雙闕共鳴珂。

酌酒與裴迪

碩云此篇以看朋友及復為說譜者或小人誤以解之云耳草色花枝固是時景必以托喻小入冒號君子顧危耳

皇自欲造意又極辛苦
碩云結語用莊子忘机之手無迹以詩首述回家時景
次述已志空泊未寫事實又嘆俗人之不知已也東坡云摩詰詩中有四回中有詩者此耳

酌酒與君君自寬。人情反覆似波瀾。白首相知猶
按劍。朱門先達笑彈冠。草色全經細雨濕。花枝欲
動春風寒。世事浮雲何足問。不如高臥且加餐。

早秋山中作

無才不敢累明時。思向東溪守故籬。一作不豈厭尚平婚
嫁早。却嫌陶令去官遲。草間蛩韻臨秋急。山裏囀
鳴薄暮悲。寂寞柴門人不閉。空林獨與白雲期。

積雨輞川莊作

積雨空林煙火遲。烝藜炊黍餉東菑。漠漠水田
白鷺陰。陰夏木嘯黃鸝。山中習靜觀朝槿。松下
齋折露葵。野老與人爭席罷。海鷗何事更相疑。

輞川別業

不到東山向一年。歸來纔及種春田。雨中草色綠
堪染。水上桃花紅欲然。優樓比丘經論學。偃僕丈
人鄉里賢。披衣倒屣且相見。相歡笑語衡門前。
春日與裴迪過新昌里訪呂逸人不遇

青山流水自在
頌云岫嵒樹不經
意然結語奇突不
失感唐
又云信手拈來頭
頭是道不可因其
真率畧其致也

桃源四面絕風塵。柳市南頭訪隱淪。到門不敢題

凡鳥看竹何須問主人。城外青山如屋裏。東家流

水入西隣。閉戶著書多歲月。種松皆作老龍鱗。

過乘如禪師蕭居士嵩山蘭若

無着天親弟與兄。嵩丘蘭若一峯晴。食隨鳴磬巢

鳥下。行踏空林落葉聲。迸水定侵香案濕。雨花唯

共石床平。深洞長松何所有。儼然天竺古先生。

出塞 時為監察使塞上作

王摩詰卷四

居延城外獵天驕。白草連天野火燒。暮雲空

驅馬。秋日平原好射雕。獲羌校尉朝乘障。破虜

軍夜渡遼。玉靶角弓珠勒馬。漢家將賜霍嫖姚。

王摩詰詩集卷之四 終

王摩詰目錄卷之五

五言排律

奉和聖製幸玉真公主山莊因題石壁十韻
之作應制

奉和聖製上巳於望春亭觀禊飲應制
奉和聖製暮春送朝集使歸郡應制

三月三日勤政樓侍宴應制

遊化感寺

王摩詰卷五

曉行巴峽

送秘書晁監還日本國

送李太守赴上洛

過沈居士山居哭之

春日直門下省早朝

奉和聖製慶玄元皇帝玉像之作應制

奉和聖製與太子諸王三月三日龍池春禊

應制

三月三日曲江侍宴應制

奉和聖製十五夜然燈繼以酺宴應制

奉和聖製重陽節宰臣及羣官上壽應制

和陳監四郎秋雨中思從弟攄

和僕射晉公扈從溫湯

和宋中丞夏日遊福賢觀天長寺即陳左相

宅所施之作

沈十四拾遺新竹生讀經處同諸公之作

王摩詰詩卷五

五

贈東岳雋鍊師

贈雋道士

投道一禪師蘭若宿

山中示弟

韋侍郎山居

田家

過盧員外宅看飯僧共題七韻

濟州過趙叟家宴

青龍寺曇壁上人兒院集

春過賀遂員外藥園

河南嚴尹弟見宿弊廬訪別人賦十韻

送禰郎中

送熊九赴任安陽

遊悟真寺

與蘇廬二員外期遊方丈寺而蘇不至因有

是作

王摩詰卷五

賦得清如玉壺冰

雜詩

上張令公

哭褚司馬

哭祖六自虛

過太乙觀賈生房

王摩詰目錄卷之五

終

王摩詰詩集卷之五

唐 藍田王 維 撰

宋 廬陵劉辰翁 評

五言排律

奉和聖製幸玉真公主山莊因題石壁十韻

一作宵非

之作應制

碧落風煙外。瑤臺道路賒。如何連帝苑。別自有仙家。
比地迴鑾駕。緣溪轉翠華。洞中開日月。窻裏發

仙云潤大

王摩詰卷五

雲霞。庭養冲天鶴。溪流上漢槎。種田生白玉。泥竈化丹砂。谷靜泉逾響。山深日易斜。御羹和石髓。香飯進胡麻。大道今無外。長生詎有涯。還瞻九霄上。來往五雲車。

奉和聖製上巳於望春亭觀禊飲應制

長樂青門外。宜春小苑東。樓開萬戶上。輦過百花中。畫鷁移仙妓。金貂立上公。清歌邀落日。妙舞向春風。渭水明秦甸。黃山入漢宮。君王來禊禊。灞澗

作秋

作入命

作妍

朱 頌云沈澗精

亦朝宗。

奉和聖製暮春送朝集使歸郡應制

萬國仰宗周。衣冠拜冕旒。玉乘迎大客。金節送諸侯。
祖席傾三省。褰幃向九州。楊花飛上路。槐色蔭通溝。
來預鈞天樂。歸分漢主憂。宸章類河漢。垂象滿中州。

三月三日勤政樓侍宴應制

綵仗連霄合。瓊樓拂曙通。年光三月裏。宮殿百花中。

上摩詰卷五

中。不數秦王日。誰將洛水同。酒筵嫌落絮。舞袖怯春風。
天保無爲德。人歡不戰功。仍臨九衢宴。更達四門聰。

遊化感寺

翡翠香煙合。瑠璃寶殿平。龍宮連棟宇。虎穴傍簷楹。
谷靜唯松響。山深無鳥聲。瓊峯當戶拆。金澗透林鳴。
郢路雲端迥。秦川雨外晴。鴈作鳳非王銜果獻。鹿女踏花行。
抖擻辭貧里。皈依宿化城。繞籬生野蕨。空

館發山櫻香飯青菰米。嘉蔬綠芋羹。誓陪清梵末
端坐學無生。

曉行巴峽

自然好

際曉投巴峽。餘春憶帝京。晴江一女浣。朝日衆雞

預云不為甚

鳴。水國舟中市。山橋樹上行。登高萬井出。眺迥二

巧

流明。人作殊方語。鸞爲舊國聲。賴諳山水趣。稍解

又云近拙

別離情。

送秘書晁監還日本國

王摩詰卷五

九州用驢忌語

積水不可極。安知滄海東。九州何處遠。萬里若乘

預云送日本無過之者

空。向國惟看日。歸帆但信風。鰲身映天黑。魚眼射

波紅。獨樹扶桑外。主人孤島中。別離方異域。音信

若爲通。

送李太守赴上洛

商山包楚鄧。積翠靄沈沈。驛路飛泉灑。關門落照

深。野花開古戍。行客響空林。板屋春多雨。山城晝

欲陰。丹泉通號略。白羽抵荆岑。若見西山爽。應知

黃綺心。

過沈居士山居哭之

楊朱來此哭。桑扈返於真。獨自成千古。依然舊四鄰。
閑簷喧鳥雀。故榻滿埃塵。曙月孤鶯囀。空山五柳春。
野花愁對客。泉水咽迎人。善卷明時隱。黔婁在日貧。
逝川嗟爾命。丘井歎吾身。前後徒言隔。相悲詎歲晨。

春日直門下省早朝

王摩詰卷五

四

騎省直明光。雞鳴謁建章。遙聞侍中佩。暗識令君香。
玉漏隨銅史。天書拜夕郎。旌旗暎闈闔。歌吹滿昭陽。
官舍梅初紫。宮門柳欲黃。願將遲日意。同與聖恩長。

奉和聖製慶玄元皇帝玉像之作應制

明君夢帝先。寶命上齊天。秦后徒聞樂。周王耻卜年。
玉京移大像。金籙會羣仙。承露調天供。臨空敞御筵。
斗迴迎壽酒。山近起爐烟。願奉無爲化。齋心

學自然

奉和聖製與太子諸王三月三日龍池春禊

應制

故事修春禊。新宮展豫游。明君移鳳輦。太子出龍樓。賦掩陳王作。杯如洛水流。金人來捧劍。畫鷁出迴舟。苑樹浮宮闕。天池照冕旒。宸章在雲表。垂象滿皇州。

三月三日曲江侍宴應制

一本江下有樓字

王摩詰卷五

五

萬乘親齋祭。千官喜豫游。奉迎從上苑。祓禊向中流。草樹連容衛。山河對冕旒。畫旗搖浦溆。春服滿汀洲。仙籙龍媒下。神皋鳳蹕留。從今億萬歲。天寶紹春秋。

奉和聖製十五夜筵燈繼以輔宴應制

上路笙歌滿。春城刻漏長。遊人多晝日。明月讓燈

光。魚鑰通翔鳳。龍輿出建章。九衢陳廣樂。百福透

名香。仙妓來金殿。都人繞玉堂。定應偷妙舞。從此

學新粧。奉引迎三事。司儀列萬方。一作主願將天地壽。同以獻君王。

奉和聖製重陽節宰臣及羣官上壽應制

四海方無事。三秋大有年。百生逢此日。萬壽願齊天。芍藥和金鼎。茱萸插玳筵。玉堂開右个。天樂動宮懸。御柳疎秋影。城鷗拂曙煙。無窮菊花節。長奉柏梁篇。

和陳監四郎秋雨中思從弟攄

王摩詰卷五

嫋嫋秋風動。淒淒煙雨繁。聲連鳩鵲觀。色暗鳳凰原。細柳疎高閣。輕槐落洞門。九衢行欲斷。萬井寂無喧。忽有愁霖唱。更陳多露言。平原思令弟。康樂謝賢昆。逸興方三接。衰顏強七奔。相如今老病。歸守茂陵園。

和僕射晉公扈從溫湯

時為右補闕

一作散

一作逸

天子幸新豐。旌旗渭水東。寒山天仗裏。溫谷幔城中。奠玉羣仙座。焚香太乙宮。出游逢牧馬。罷獵有

非熊上宰無爲化。明時太古同。靈芝三秀紫。陳粟
萬箱紅。一作玉璫王禮尊儒教。天兵小戰功。謀猷歸哲匠。詞
賦屬文宗。司諫方無闕。陳詩且未工。長吟吉甫頌。
朝夕仰清風。

和宋中丞夏日游福賢觀天長寺即陳左相
宅所施之作

已相殷王國。空餘尚父溪。釣磯開月殿。築道出雲
梯。積水浮香象。深山鳴白鷄。虛空陳妓樂。衣服製
王摩詰卷五
虹霓黑點三千界。丹飛六一泥。桃源勿遽返。再訪
恐君迷。

沈十四拾遺新竹生讀經處同諸公之作
閑居日清靜。脩竹自檀欒。嫩節留餘籜。新叢出舊
闌。細枝風響亂。疎影月光寒。樂府裁龍笛。漁家伐
釣竿。何如道門裏。青翠拂仙壇。

贈東岳集鍊師

先生千歲餘。五岳遍曾居。遙識齊侯鼎。新過王母

廬不能師孔墨。何事問長沮。玉管時來鳳。銅盤即
釣魚。竦身空裏語。明目夜中書。自有還丹術。時論
太素初。頻蒙露版詔。時降軟輪車。山靜泉逾響。松
高枝轉疎。支願問樵客。世上復如何。

贈集道士

海上游三岳。淮南預八公。坐知千里外。跳向一壺
中。縮地朝珠闕。行天使玉童。飲人駟割酒。送客乍
分風。天老能行氣。吾師不養空。謝君徒雀躍。無可

王摩詰卷五

問鴻濛

投道一師蘭若宿

一公棲太白。高頂出雲煙。梵流諸壑遍。花雨一峯
偏。迹爲無心隱。名因立教傳。鳥來還語法。客去更
安禪。晝涉松露盡。暮投蘭若邊。洞房隱深竹。清夜
聞遙泉。向是雲霞裏。今成枕席前。豈唯留暫宿。服
事將窮年。

山中示弟

山林吾喪我冠帶爾成人莫學嵇康懶且安原憲
貧山陰多北戶泉水在東鄰緣合妄相有性空無
所親安知廣成子不是老夫身

韋侍郎山居

幸忝君子顧遂陪塵外蹤閑花滿岩谷瀑布映杉
松啼鳥忽臨澗歸雲時抱峯良遊盛簪紱繼跡多
夔龍詎枉青門道胡聞長樂鍾清晨去朝謁車馬
何從容

王摩詰卷五

田家

舊穀行將盡良田未可希老年方愛粥卒歲且無
衣雀乳青苔井鷄鳴白板扉柴車駕羸犝草屨牧
豪豨多雨紅榴折一作膏新秋綠芋肥一作煩君田桑下憇旁舍
草中歸住處名愚谷何煩問是非

過盧員外宅看飯僧共題七韻

三賢異七賢青眼慕青蓮乞飯從香積裁衣學水
田上人飛錫杖檀越施金錢跌坐簷前日焚香竹

下煙寒空法雲地。秋色淨居天。身逐因緣法心過。
次第禪。不須愁日暮。自有一燈然。

濟州過趙叟家宴

雖與人境接。閉門成隱居。道言莊叟事。儒行魯人
餘。深巷斜暉靜。閑門高柳疎。荷鋤修藥圃。散帙曝
農書。上客遙芳翰。中厨饋野蔬。夫君第高飲。景晏
出林間。

青龍寺曇壁上人兄院集

并序

玉摩詰卷五

吾兄大開蔭中。明徹物外。以定力勝敵。以
惠用解嚴。深居僧坊。俯仰人里。高原陸地。
下映芙蓉之池。林竹果園。中秀菩提之樹。
八極氛霽。萬彙塵息。太虛寥廓。南山爲之
端倪。皇州蒼茫。渭水貫於天地。經行之後。
跌坐而閑。升堂梵筵。餌客香飯。不起而游
覽。不風而清涼。得世界於蓮花。記文章於
貝葉。時江寧大兄持片石。命維序之。詩五

韻坐上成

高處敞招提。虛空詎有倪。坐看南陌騎。下聽秦城雞。眇眇孤煙起。芊芊遠樹齊。青山萬井外。落日五陵西。眼界今無染。心空安可迷。

春過賀遂員外藥園

前年槿籬故。新作藥欄成。香草爲君子。名花是長卿。水穿盤石透。藤繫古松生。一作書畫畏開厨走。來蒙倒屣迎。蔗漿菰米飯。蒟醬露葵羹。頗識灌園意。於陵

王摩詰卷五

不自輕。

河南嚴尹弟見宿弊廬訪別人賦十韻

上客能論道。吾生學養蒙。貧交世情外。才子古人中。冠上方簪豸。一作安車邊已畫熊。拂衣迎五馬。垂手憑雙童。花飄和松屑。茶香透竹叢。薄霜澄夜月。殘雪帶春風。古壁蒼苔黑。寒山遠燒紅。眼看東候別。心事北山同。一作州爲學輕先輩。何能訪老翁。欲知今日後。不樂爲車公。

甚壯第非是
招提本色

送禰郎中

東郊春草色。驅馬去悠悠。況復鄉山外。猿啼湘水流。
島夷傳露坂。江館候鳴騶。卉服爲諸吏。珠簾拜本州。
孤鶯吟遠墅。野杏發山郵。早晚方歸奏。南中纔忌秋。

送熊九赴任安陽

魏國應劉後。寂寥文雅空。漳河如舊日。之子繼清風。
阡陌銅臺下。閭閻金虎中。送車盈灞上。輕騎出關東。
相去千餘里。西園明月同。

王摩詰卷五

十二

游悟真寺

聞道黃金地。仍開白玉田。擲山移巨石。咒嶺出飛泉。
猛虎同三徑。愁猿學四禪。買香然綠桂。乞火踏青蓮。
草色搖霞上。松聲汎月邊。山河窮百二。世界滿三千。
梵宇聊憑視。王城遂渺然。灞陵纔出樹。渭水欲連天。
遠縣分諸郭。孤村起白煙。望雲思聖主。披霧憶羣賢。
薄宦慚尸素。終身擬尚玄。誰知草庵

客會和栢梁篇。

與蘇盧二員外期遊方丈寺而蘇不至因有

是作

共仰頭陀行。能忘世諦情。迴看雙鳳闕。相去一牛
鳴。法向空林說。心隨寶地平。手中花氎淨。香帔稻
畦成。聞道邀同舍。相期宿化城。安知不來往。翻得
似無生。

賦得清如玉壺冰

京兆府試時年十九歲

王摩詰卷五

一作玉壺何用好偏許。素冰居

藏冰玉壺裏。冰水類方諸。未共銷丹日。還同照綺
疏。抱明中不隱。會靜外疑虛。氣似庭霜積。光言砌
月餘。曉凌飛鵲鏡。宵映聚螢書。一作若向會夫比貞。心定不
尚不知。

雜詩

與五律絕句多少疑有誤也

朝因折楊柳。相見洛陽隅。楚國無如妾。秦家自有
夫。對人傳玉腕。暎燭解羅襦。人見東方騎。皆言夫
婿殊。持謝金吾子。煩君提玉壺。

上張令公

珥筆趨丹陛。垂璫上玉除。步簷青瑣闥。方憶畫輪
車。市閱千金字。朝開五色書。致君光帝典。薦士滿
公車。伏奏回金駕。橫經重石渠。從茲罷角抵。且復
幸儲胥。天統知堯後。王章笑魯初。匈奴遙俯伏。漢
相儼簪裾。賈生非不遇。汲黯自堪疎。學易思求我。
言詩或起予。嘗從大夫後。何惜隸人餘。

哭褚司馬

王摩詰卷五

妄識皆心累。浮生定死媒。惟言老龍吉。未免伯牛
災。故有求仙藥。仍餘遁俗杯。山川秋樹苦。窻戶夜
泉哀。尚憶青驪去。寧知白馬來。漢臣修史記。莫蔽
褚生才。

哭祖六自虛

時年十八

否極嘗聞泰。嗟君獨不然。憫凶纔稚子。羸疾主中
年。餘力文章秀。生知禮樂全。翰留天帳覽。詞入帝
宮傳。國訐終軍少。人知賈誼賢。公卿盡虛左。朋識

共推先。不恨依窮轍。終期濟巨川。才雄望羔鴈。壽
促背貂蟬。福善聞前錄。殲良昧上玄。何辜鍛鸞翮。
何事與龍泉。鵬起長沙賦。麟終曲阜編。城中君道
廣。海內我情偏。乍失疑猶見。沈思悟絕緣。生前不
忍別。死後向誰宣。爲此情難盡。彌令憶更纏。本家
清渭曲。歸葬舊坐邊。永去長安道。徒聞京兆阡。旌
車出郊甸。鄉國隱雲間。定作無期別。寧同昔日旋。
候門家族苦。行路國人憐。送客哀終進。征途泥復

王庠詩卷五

十五

前贈言爲挽曲。奠席是離筵。念昔同携手。風期不
暫捐。南山俱隱逸。東路類神仙。未審音容間。那堪
生死遷。花時金谷飲。月夜竹林眠。滿地傳都賦。傾
朝看藥船。羣公咸屬目。微物敢齊肩。謬合同人旨。
而將玉樹連。不期先掛劍。長恐後施鞭。爲善吾無
矣。知音子絕焉。琴聲縱不沒。終亦斷悲絃。

過太乙觀賈生房

昔余棲遁日。之子燼霞鄰。共攜松葉酒。俱簦竹皮

巾攀林徧雲洞。採藥無冬春。謬以道門子。微爲驂
御臣。常恐丹液就。先我紫陽賓。天促萬塗盡。哀傷
百慮新。蹟峻不容俗。才多反累真。泣對雙泉水。還
山無主人。

王摩詰卷五

十六

王摩詰詩集卷之五

終

王摩詰目錄卷之六

五言絕句

輞川集二十首

孟城坳

華子岡

文杏館

斤竹嶺

鹿柴

王摩詰卷六

木蘭柴

茱萸泚

宮槐陌

臨湖亭

南垞

欽湖

柳浪

樂家瀨

金賢泉

白石灘

北垞

竹里館

辛夷塢

漆園

椒園

息夫人

王摩詰卷六

班婕妤三首

雜詩

山中

聞裴迪秀才吟詩因戲贈

臨高臺送黎拾遺

山中寄諸弟

從軍行

遊曲池

江上贈李龜年

送別

皇甫嶽雲谿雜題五首

鳥鳴澗

上平田

蓮花塢

鷓鴣堰

萍池

王摩詰卷六

答裴迪

贈韋穆十八

別輞川別業

崔九弟欲往南山馬上口號與別

題友人雲母障子

崔興宗寫真詠

山茶黃

哭孟浩然

太平詞二首

送春辭

書事

塞上曲

隴上行

閨人贈遠五首

紅牡丹

左掖梨花


王摩詰卷六

六言絕句

田園樂七首

王摩詰目錄卷之六

終



王摩詰詩集卷之六

唐 藍田王 維 撰

宋 廬陵劉辰翁 評

五言絕句

輞川集 有序

予別業在輞川山谷其遊止有孟城坳。華子岡。文杏館。斤竹嶺。鹿柴。木蘭柴。茱萸泚。宮槐陌。臨湖亭。南坨。欽湖。柳浪。樂家瀨。金

王摩詰卷六

一

屑泉。白石灘。北坨。竹里館。辛夷塢。漆園。椒園等。與裴迪閒暇各絕句云爾。

孟城坳

有。新家孟城口。古木餘衰柳。來者復爲誰。空悲昔人

華子岡

頤云調古興高幽澗有味無出此者

飛鳥去不窮。連山復秋色。上下華子岡。惆悵情何極。

復歌二語如
以俯仰廣達
不可得

蕭然更歎無
言

文杏館

文杏裁爲梁。香茅結爲宇。不知棟裏雲。去作人間雨。

斤竹嶺

檀欒映空曲。青翠漾漣漪。暗入商山路。樵人不可知。

鹿柴

空山不見人。但聞人語響。返景入深林。復照青苔

上。王摩詰詩卷六

上。

木蘭柴

秋山歛餘照。飛鳥逐前侶。彩翠時分明。夕嵐無處所。

茱萸泚

結實紅且綠。復如花更開。山居儻畱客。置此芙蓉杯。

官槐陌

無言而有曲

意

頽云映篇寫

出幽深之景

猶是鹿柴之

餘

仄徑蔭宮槐。幽陰多綠苔。鷹門但迎掃。畏有山僧來。

臨湖亭

輕舸迎上客。一作小悠悠湖上來。當軒對尊酒。四面芙蓉

開。

南垞

輕舟南垞去。北垞淼難卽。隔浦望人家。遙遙不相識。

王摩詰卷六

欽湖

吹簫凌極浦。日暮送夫君。湖上一回首。青山卷白雲。

柳浪

行分接綺樹。倒影入清漪。不學御溝上。春風傷別離。

樂家瀨

颯颯秋雨中。淺淺石溜瀉。跳波自相濺。白鷺驚復

頽云此景常有人多不觀

唯幽人識得

下。

金屑泉

日飲金屑泉。少當千餘歲。翠鳳翊文螭。羽節朝玉帝。

白石灘

清淺白石灘。綠蒲向堪把。家住水東西。浣沙明月下。

北垞

王摩詰卷六

北垞湖水北。雜樹暎朱欄。逶迤南川水。明滅青林端。

竹里館

獨坐幽篁裏。彈琴復長嘯。深林人不知。明月來相照。

辛夷塢

木末芙蓉花。山中發紅萼。澗戶寂無人。紛紛開且落。

一作絲絲

頤云一時清
典適與景會

其意不歇着
一字漸可語
神

硬在謝東山
華口詒皆成
高韻

首以素淨

正爾懷悱時
人

頌云只淡一楚
字便有無窮態
怨

頌云渾迹

頌云缺境好
而猶為舍類
兼尤之態似
非婕妤本相

漆園

古人非傲吏。自闕經世務。一作侶惟寄一微官。婆娑數株樹。

椒園

桂尊迎帝子。杜若贈佳人。椒漿奠瑤席。欲下雲中君。一作身

息夫人

明年二十

莫以今時寵。能忘舊日恩。看花滿眼淚。不共楚王一作同

王摩詰詠卷六

五

言

能忘一作寧能一作寧忘

班婕妤三首

一作寵

宮殿生秋草。君王恩幸疎。那堪聞鳳吹。門外度金輿。一作蒲

其二

玉窻螢影度。金殿人聲絕。秋夜守羅幃。孤燈耿不滅。

其三

語皆不刻而
近

頌云三詩皆
淡中含情

與時有洛陽
人皆費辭說

詩中有画

惟來妝閣閉。朝下不相迎。總向春園裏。花間笑語聲。

雜詩

已見寒梅發。復聞啼鳥聲。愁心視春草。畏向玉階生。

其二

家住孟津河。門對孟津口。常有江南船。寄書家中否。

王摩詰卷六

其三

君自故鄉來。應知故鄉事。來日綺窻前。寒梅著花未。

山中

荆溪白石出。天寒紅葉稀。山路元無雨。空翠濕人衣。

聞裴迪秀才吟詩因戲贈

猿吟一何苦。愁朝復愁夕。莫作巫峽聲。腸斷秋江

客。

臨高臺送黎拾遺

相送臨高臺。川原杳何極。日暮飛鳥還。行人去不
息。

山中寄諸弟

山中多法侶。禪誦自爲羣。城郭遙相望。惟應禮白
雲。

從軍行

王摩詰卷六

戈甲從軍久。風雲識陣難。今朝韓信計。日下斬成
安。

其二

燕額多奇相。狼頭敢犯邊。寄言班定遠。正是立功
年。

遊春曲

萬樹江邊杏。新開一夜風。滿園深淺色。照在綠波
中。

其二

上苑何窮樹。花開次第新。香車與綵騎。風靜亦生塵。

江上贈李龜年

紅豆生南國。秋來發幾枝。贈君多採擷。此物最相思。

送別

山中相送罷。日暮掩柴扉。春草年年綠。王孫歸不

歸。王摩詰卷六

皇甫嶽雲谿雜題五首

鳥鳴磴

人閑桂花落。夜靜春山空。月出驚山鳥。時鳴春磴中。

上平田

朝耕上平田。暮耕上平田。借問問津者。寧知沮溺賢。

古今勘腸理不在多
顧云言語翻案

皆非着意
顧云所謂情
真者
又云何限清
遠

語調並高

蓮花塢

日日採蓮去。洲長多暮歸。弄篙莫濺水。畏濕紅蓮衣。

鷓鴣堰

乍向紅蓮沒。復出清浦颺。獨立何離襪。銜魚古查上。

萍池

春池深且廣。會待輕舟迴。靡靡綠萍合。垂楊復掃

王摩詰卷六

開。

頌云王公朝川諸詩近事淺語終于天然郊島華十駕何用

答裴迪

森森寒流廣。蒼蒼秋雨晦。君問終南山。心知白雲外。

贈韋穆十八

與君青眼客。共有白雲心。不向東山去。日令春草深。

別輞川別業

每之靜意言之偶然

淡之有情

依遲動車馬。惆悵出松羅。忍別青山去。其如綠水何。

崔九弟欲往南山馬上口號與別

城隅一分手。幾日還相見。山中有桂花。莫待花如霰。

題友人雲母障子

時年十五

君家雲母障。時向野庭開。自有山泉入。非因采畫來。

王摩詰卷六

崔興宗寫真詠

畫君年少時。如今君已老。今時新識人。知君舊時好。

山茶萸

朱實山下開。清香寒更發。幸有叢桂花。窻前向明月。

哭孟浩然

一作故人今不見。日夕。漢江流。

故人不可見。漢水日東流。借問襄陽老。江山空蔡

州。

太平詞二首

風俗今和厚。君王在穆清。行看探花曲。盡是秦階平。

其二

聖德超千古。皇威靜四方。蒼生今息戰。無事覺時長。

送春辭

王摩詰話卷六

日日人空老。年年春更歸。相歡在樽酒。不用惜花飛。

書事

輕陰閣小雨。深院晝慵開。坐看蒼苔色。欲上人衣來。

塞上曲

天驕遠塞行。出鞘寶刀鳴。定是酬恩日。今朝覺命

一作鞘裡

輕。

其二

塞虜常爲敵。邊風已報秋。平生多志氣。箭底覓封候。

隴上行

負羽到邊州。鳴笳度隴頭。雲黃知塞近。草白見邊秋。

閨人贈遠五首

花明綺陌春。柳拂御溝新。爲報遼陽客。流芳不待

一作東

一作光

王摩詰詩卷六

十二

人。

其二

遠。成功名薄。幽閨年貌傷。妝成對春樹。不語淚千行。

其三

啼鶯綠樹深。語燕雕梁晚。不省出門行。沙場知近

一作鶯啼

一作燕語

遠。

其四

形影一朝別。煙波千里分。君看望君處。祇是起行雲。

其五

洞房今夜月。如練復如霜。爲照離人恨。亭亭到曉光。

紅牡丹

綠艷開且靜。紅衣淺復深。花心愁欲斷。春色豈知心。

王摩詰卷六

左掖梨花

閒灑堦邊草。輕隨箔外風。黃鸝弄不足。嗛人未央宮。

六言絕句

田園樂七首

厭見千門萬戶。經過北里南鄰。官府鳴珂有底。崆峒散髮何人。

再見封侯萬戶。立談賜璧一雙。詎勝耦耕南畝。何

如高臥東窻。

採菱渡頭風急策杖村西日斜。杏樹壇邊漁父桃

花源裏人家。

萋萋春草秋碧。落落長松夏寒。牛羊自歸村巷。童
稚不識衣冠。

山下孤煙遠村。天邊獨樹高原。一瓢顏回陋巷。五

柳先生對門。

桃紅復含宿雨。柳綠更帶春煙。花落家僮未掃。鳥

王摩詰卷六

十四

啼山客猶眠。

酌酒會臨泉。水抱琴好倚長松。南園露葵朝折。西

舍黃梁夜春。

王摩詰詩集卷之六終

王摩詰目錄卷之七

七言絕句

送元二使安西

寄河上段十六

送別

九日憶東山兄弟

寒食地上作

戲題盤石

王摩詰卷七

送韋評事

少年行

塞下曲

贈裴旻將軍

送沈子福歸江東

菩提寺禁裴迪來相看說逆賊等擬碧池上

作音樂供奉人等舉聲便一時淚下私成

口號誦示裴迪

與盧員外象過崔處士興宗林亭

秋思

秋夜曲

從軍辭

遊春辭

雜詩

獻壽辭

平戍辭

丁摩詰卷七

贈遠

閨人春思

戲題輞川別業

送王尊師歸蜀中拜掃

靈雲池送從弟

劇嘲史寰

涼州賽神

哭殷遙

歎白髮

...

...

...

...

...

...

王摩詰目錄卷之七

終

上座詰卷七

...

...

...

...

...

...

...

...

...



王摩詰詩集卷之七

唐 藍田王 維 撰

宋 廬陵劉辰翁 評

七言絕句

送元二使安西

一作依楊柳春

渭城朝雨裊輕塵。客舍青青柳色新。
勸君更盡一杯酒。西出陽關無故人。

寄河上段十六

王摩詰卷七

與君相見即相親。聞道君家在孟津。
為見行舟試借問。客中時有洛陽人。

送別

送君南浦淚如絲。君向東周使我悲。
為報故人憔悴盡。如今不似洛陽時。

九日憶東山兄弟

別年二十七時作

獨在異鄉為異客。每逢佳節倍思親。
遙知兄弟登高處。遍插茱萸少一人。

更萬首他句
六無復通古

今第一矣

傾云後人所

謂陽關三疊

各下不虛

容易畫情
豈未有此

傾云真意
豈忠厚藹然
又云實故難

寒食把上作

頤云此對結體也最要意盡否則半截詩矣

廣武城邊逢暮春。汶陽歸客淚霑巾。落花寂寂啼山鳥。楊柳青青渡水人。

戲題盤石

送蕩野興甚濃

可憐盤石鄰泉水。復有垂楊拂酒杯。若道春風不解意。何因吹送落花來。

送韋評事

欲逐將軍取右賢。沙場走馬向居延。遙知漢使蕭

王摩詰卷七

關外。愁見孤城落日邊。

少年行

出身仕漢羽林郎。初隨驃騎戰漁陽。孰知不向邊庭苦。縱死猶聞俠骨香。

一身能擘兩雕弧。虜騎千重只似無。偏坐金鞍調白羽。紛紛射殺五單于。

新豐美酒斗十千。咸陽遊俠多少年。相逢意氣爲君飲。繫馬高樓垂柳邊。

漢家君臣歡宴終。高義雲臺論戰功。天子臨軒賜
侯印。將軍佩出明光宮。

塞下曲

辛勤幾出黃花戍。迢遞初隨細柳營。塞晚每愁殘
月苦。邊秋更逐斷蓬驚。
年少辭家從冠軍。金裝寶劍去邀勳。不知馬骨傷
寒水。唯見龍城起暮雲。

贈裴旻將軍

王摩詰卷七

腰間寶劍七星文。臂上瑠弓百戰勳。見說雲中擒
黠虜。始知天上有將軍。

送沈子福歸江東

楊柳渡頭行客稀。罟師蕩槳向臨圻。唯有相思似
春色。江南江北送君歸。

菩提寺禁裴迪來相看說逆賊等疑碧池上
作音樂供奉人等舉聲便一時淚下私成口
號誦示裴迪

萬戶傷心生野煙。百官何日再朝天。秋槐葉落空
宮裏。凝碧池頭奏管絃。

與盧員外象過崔處士興宗林亭

綠樹重陰蓋四鄰。青苔日厚自無塵。科頭箕踞長

香林

一作花。甚。

松下。白眼看他世上人。

白眼公如鍾
會與嵇康

秋思

網軒涼吹動輕衣。夜聽更生玉漏稀。月渡天河光

一作紙

一作長

轉濕。鵲驚秋樹葉頻飛。

王摩詰卷七

四

宮連太液見蒼波。暑氣微清秋意多。一夜輕風蘋
末起。露珠翻盡滿池荷。

秋夜曲

丁丁漏水夜何長。漫漫輕雲露月光。秋壁闇蟲通
夕響。寒衣未寄莫飛霜。
桂魄初生秋露微。輕羅已薄未更衣。銀箏夜久慙
勤弄。心怯空房不忍歸。

從軍辭

旄頭夜落捷書飛。來奏金門著賜衣。白馬將軍頻
破敵。一作鏑。黃龍戍卒幾時歸。

遊春辭

曲江綵柳變煙條。寒谷冰隨暖氣銷。纔見春光生
綺陌。已聞清樂動雲韶。
經過柳陌與桃溪。尋逐春光着處迷。鳥度時時衝
絮起。花繁袞袞壓枝低。

雜詩

一作伊州歌第一

王摩詰卷七

五

秋風明月苦相思。蕩子從軍十載餘。征人去日慙

一作獨

一作奇

勤囑歸鴈來時數。一作奇。附書

獻壽詞

宮殿參差列九重。祥雲瑞氣捧堦濃。微臣欲獻唐

一作觀

堯壽。遙指南山對袞龍。

平戍辭

太白秋高助漢兵。長風夜卷虜塵清。男兒解却腰
間劍。喜見從王道化平。

卷旆生風喜氣新。早持龍節靜邊塵。漢家天子圖
麟閣。身是當今第一人。

贈遠

當年只自守空帷。夢見關山覺別離。一作江不見鄉書傳

鴈足。唯看新月吐蛾眉。

厭攀楊柳臨青閣。閑採芙蓉傷碧潭。走馬臺邊人
不見。拂雲堆畔戰初酣。

閨人春思

王摩詰卷七

六

愁見遙空百丈絲。春風挽斷更傷離。閑花落盡青
苔地。盡日無人誰得知。

戲題輞川別業

柳條拂地不須折。松枝披雲從更長。藤花欲暗藏
猿子。柏葉初齊養麝香。

送王尊師歸蜀中拜掃

大羅天上神仙客。濯錦江頭花柳春。不爲碧雞稱
使者。唯令白鶴報鄉人。

靈雲池送從弟

金杯緩酌清歌轉。畫舸輕移艷舞迴。自歎鶻鴒臨水別。不同鴻鴈向池來。

劇嘲史寰

清風細雨濕梅花。驟馬先過碧玉家。正值楚王宮裏至。門前初下七香車。

涼州賽神

時為節度判官在涼州作

涼州城外少行人。百尺峯頭望虜塵。健兒擊鼓吹

王摩詰卷七

七

羌笛。共賽城東越騎神。

哭殷遙

送君返葬石樓山。松柏蒼蒼殯馭還。埋骨白雲長已矣。空餘流水向人間。

歎白髮

宿昔朱顏成暮齒。須臾白髮變垂髫。一生幾許傷心事。不向空門何處銷。

王摩詰詩集卷之七 終

